



Fjord Drift AS

5640 EIKELANDSOSEN

Dato: 11.12.2014

Vår ref.: 2014/24128-4

Saksbehandlar: Vibeke Lokøy

Tlf: 55 23 91 45

H-FE-13 og H-OR-25 Fjord Drift AS org. nr. 871596832 – Mellombels løyve til å etablere anlegg for oppdrett av matfisk av laks og aure på lokalitet 13209 Bognøy i Radøy kommune

Vi syner til Dykkar søknad av 04.12.2014.

Vedtak

Hordaland fylkeskommune gir med dette Fjord Drift AS org. nr. 871596832, akvakulturløyva med reg. nr. H-FE-13 og H-OR-25 mellombels løyve til å etablere flytande akvakulturanlegg for oppdrett av matfisk av laks (*Salmo salar*), aure (*Salmo trutta*) og regnbogeaure (*Oncorhynchus mykiss*) til i sjø på følgjande lokalitet i Radøy kommune i Hordaland fylke:

Nr	Lokalitet	Kommune	Lokalitets-biomasse	Anleggets midtpunkt Euref89/WGS84	Samlokalisering
13209	Bognøy	Radøy	1560 tonn	60° 36.244' N 5° 04.619' E	H-FE-13, H-OR-25, H-R-6 og H-R-9

Anlegget er godkjent med følgjande hjørnepunkter-kartreferansar oppgjeve i Euref-89/WGS84			
1	2	3	4
60° 36.247' N 5° 04.671' E	60° 36.268' N 5° 04.597' E	60° 36.241' N 5° 04.565' E	60° 36.220' N 5° 04.640' E

Lokalitet 13209 Bognøy er godkjent for løyva H-FE-13 og H-OR-25, tilhøyrande Fjord Drift AS, og løyva H-R-6 og H-R-9, tilhøyrande Lerøy Vest AS. Kvart av løyva H-FE-13, H-OR-25 og H-R-9 omfattar ei maksimal tillaten biomasse på 780 tonn. Løyvet H-R-6 omfattar ein maksimalt tillaten biomasse på 1300 tonn. For nærmare oversikt over kva lokalitetar som er godkjent for dei einskilde løyva, viser vi til akvakulturregisteret.

Dette tidsavgrensa løyvet er gjeve til Fjord Drift AS, og gjeld frå dags dato til 30.06.2015.

Lovheimel

Løyvet er gjeve av Hordaland fylkeskommune med heimel i Lov av 17.06.2005 nr. 79 om akvakultur og Forskrift av 22.12.2004 nr. 1798 om tillatelse for akvakultur for laks, ørret og regnbueørret (laksetildelingsforskrifta). Dette løyve etter akvakulturlova inkluderer løyve etter matlova, forureiningslova og hamne- og farvannsløva.

Grunngjeving

Fjord Drift AS søkte 04.12.2014 om mellombels samlokalisering av akvakulturløyva H-OR-25 og H-FE-13 med Lerøy Vest AS sine løyve på lokalitet 13209 Bognøy i Radøy kommune. Samlokaliseringa skal avsluttast seinast 30.06.2015.

Bakgrunnen for samlokaliseringa er at Fjord Drift ynskjer å flytte fisk frå lokalitet Litletveitholane i Osterøy kommune, då denne lokaliteten ligg i ei produksjonssone som skal brakkleggast våren 2015. Det vert ikkje søkt om endring i produksjonskapasitet eller areal på lokalitet Bognøy.

Då lokalitet Bognøy tidlegare er klarert for produksjon av 1560 tonn laks og aure i løyve av 11.01.2011, er søknaden ikkje send til verken Kystverket Vest, Fiskeridirektoratet Region Vest, Mattilsynet, DK Bergen og omland, Fylkesmannen i Hordaland eller Radøy kommune for handsaming. Dei gjeldande særøyva vert vidareført.

Hordaland fylkeskommune har vurdert søknaden etter lov av 17. juni 2005 nr 79 om akvakultur, og i høve til generelle vilkår for klarering av akvakulturlokalitet som nemnd i § 30 i laksetildelingsforskrifta som seier at lokalitet for akvakultur kan klarerast dersom:

- a) *det er miljømessig forsvarlig;*
- b) *det er foretatt en avveining av arealinteresser, med særlig vekt på*
 - 1. *søkers behov for areal til planlagt akvakultur,*
 - 2. *alternativ bruk av området til annen akvakultur,*
 - 3. *annen bruk av området, og*
 - 4. *verneinteresser som ikke omfattes av bokstav d.*
- c) *det er gitt tillatelser som kreves etter*
 - 1. *lov 19. desember 2003 nr. 124 om matproduksjon og mattrygghet mv.,*
 - 2. *lov 13. mars 1981 nr. 6 om vern mot forurensninger og om avfall,*
 - 3. *lov 17. april 2009 nr. 19 om havner og farvann.*
- d) *det ikke er i strid med*
 - 1. *vedtatte arealplaner etter plan- og bygningsloven 14. juni 1985 nr. 77,*
 - 2. *vedtatte vernetiltak etter kapittel V i lov 19. juni 2009 nr. 100 om forvaltning av naturens mangfold,*
 - 3. *vedtatte vernetiltak etter lov 9. juni 1978 nr. 50 om kulturminner.*

og kome fram til at tiltaket ikkje kjem i konflikt med reglane i forskrifta.

Ved handsaming av søknaden er sakshandsamingsreglane i naturmangfaldlova av 19. juni 2009 nr. 100 § 8- 12 følgt i vurdering av om tiltaket det vert søkt om er miljømessig forsvarleg etter laksetildelingsforskrifta § 30 a. Søknaden inneber inga endring i areal eller produksjonskapasitet på lokaliteten i høve det den er klarert for i dag, og Hordaland fylkeskommune vurderer derfor at kunnskapsgrunnlaget er tilstrekkeleg til å fatte eit vedtak, og at den omsøkte samlokaliseringa ikkje har påverknad på naturmangfaldet.

Etter ei samla vurdering har Hordaland fylkeskommune gjeve Fjord Drift AS, akvakulturløyva med reg.nr. H-FE-13 og H-OR-25 mellombels løyve til å etablere anlegg for oppdrett av matfisk av laks og aure på lokalitet 13209 Bognøy i Radøy kommune på nærmare vilkår.

Generelle vilkår

Løyve vert gjeve under føresetnad av at etablering, drift og eventuelt avvikling vert gjennomført i samsvar med gjeldande lovverk, forskrifter og vilkår.

Lokaliteten skal etablerast i samsvar med vedlagte kart. Dersom De ønskjer å endra anlegget i høve til dette løyvet, må det sendast søknad om dette til Hordaland fylkeskommune.

Løyve etter Akvakulturlova inneberer at det er gjeve eit offentleg rettsleg løyve inkludert løyve etter matlova, forureiningslova og hamne- og farvannslova.

Løyvet vert gjeve utan ansvar med omsyn til nabo-, eigedoms- eller andre privatrettslege tilhøve. Dette løyvet frittek Dykk ikkje frå plikt til å innhenta naudsynt løyve etter andre lover, eller plikt til å retta Dykk etter reglar og påbod som vert gjeve med heimel i slike lover.

Løyve kan trekkjast attende eller anlegget kan verte kravd redusert dersom tilhøva skulle tilseie dette.

Plikter

Som konsesjonsinnehavar har De plikt til å sette Dykk inn i det regelverket som gjeld for løyver etter akvakulturlova. Akvakulturlova med tilhøyrande forskrifter er tilgjengeleg på www.lovdata.no.

De pliktar å gje representantar frå Fiskeridirektoratet, Fylkesmannen, Kystverket og Mattilsyn tilgang til gransking av, og opplysningar om, anlegget.

Kopi av dette løyvet med vedlegg skal oppbevarast tilgjengeleg for alle tilsette på anlegget, også slik at løyvet kan synast til alle som har kontrollrett.

Vedlegg

Uttale frå Fylkesmannen i Hordaland 13.07.2010, Mattilsynet, Regionkontoret for Hordaland, Sogn og Fjordane 23.12.2010, Kystverket Vest 24.06.2010, samt kart med godkjent plassering av anlegget og klageskjema fylgjer vedlagt.

Klage

Vedtaket kan påklagast. Sjå om dette i vedlagde orientering. Ei eventuell klage skal framsettast til Hordaland fylkeskommune, sjølv om klaga gjeld vedtak fatta av Fylkesmannen, Mattilsynet eller Kystverket.

I medhald av forvaltningslova sin § 27b vert det sett som vilkår for å gå til søksmål at ein har nytta høvet til å klaga. Ein gjer merksam på at eventuell klage ikkje fører til at iverksetjing av vedtaket vert utsett. Det er likevel høve til å søkje om at iverksetjing blir utsett til klagesaka er avgjort.


Bård Sandal
fylkesdirektør regional utvikling

Gudrun Mathisen
seksjonsleiar

Brevet er godkjent elektronisk og har derfor inga underskrift.

Kopi:
Lerøy Vest AS
Fylkesmannen i Hordaland
Mattilsynet, DK Bergen og Omland
Radøy kommune
Fiskeridirektoratet Region Vest
Kystverket Vest

H-FE-13 og H-OR-25 Fjord Drift AS
 H-R-6 og H-R-9 Lerøy Vest AS
 Lokalitet 13209 Bognøy




Lokalitet 13209 Bognøy



Målestokk: 1:10 000

Vedlegg 6



LERØY VEST AS

BOGNO FORTØYNING

Rev. 23.11.2009

Dybde ankerpkt	Line	luff/reell	GPS ko-ordinat
14	Line 4	84 85	60.36.306N 5.04.548Ø
12	Line 3	41 43	60.36.288N 5.04.614Ø
9	Line 2	48 49	60.36.282N 5.04.643Ø
17	Line 1	40 43	60.36.273N 5.04.663Ø
11	Line 21	157 157	60.36.238N 5.04.842Ø
15	Line 22	153 154	60.36.235N 5.04.836Ø
54	Line 23	144 154	60.36.194N 5.04.793Ø
52	Line 24	152 161	60.36.191N 5.04.798Ø
35	Line 9	212 215	60.36.116N 5.04.736Ø
30	Line 6	213 215	60.36.112N 5.04.720Ø
6	Line 7	234 234	60.36.112N 5.04.512Ø
6	Line 8	229 229	60.36.119N 5.04.492Ø
18	Line 5	202 203	60.36.199N 5.04.361Ø
60	Line 25	150 162	60.36.286N 5.04.431Ø
70	Line 26	190 202	60.36.313N 5.04.413Ø

Ytterpunkter

SØ 60.36.247N 5.04.671Ø
 NØ 60.36.268N 5.04.597Ø
 NV 60.36.241N 5.04.565Ø
 SV 60.36.220N 5.04.640Ø

Senterpunkt: 60.36.244N 5.04.619Ø

GODKJENT
KYSTVERKET
 VEST

23.06.10

(1) Sendar (stemplet til forvaltningsorganet) Hordaland fylkeskommune Agnes Mowinckels gate 5 PB 7900 5020 BERGEN	Melding om rett til å klage over forvaltningsvedtak (Forvaltningslova § 27 tredje leddet) 11.12.2014
(3) Mottakar (namn og adresse) Fjord Drift AS 5640 Eikelandsosen	(4) Klageinstans Fiskeridirektoratet
Denne meldinga gjev viktige opplysningar dersom De vil klage på eit vedtak De er gjord kjend med.	
Klagerett	De har rett til å klage på vedtaket.
Kven kan De klage til?	Klaga sender De til oss, dvs. det organet som er ført opp i rubrikk (1). Dersom vi ikkje endrar vedtaket vårt som følgje av klaga, sender vi klaga over til klageinstansen, jf. rubrikk (4).
Klagefrist	Klagefristen er tre - 3 - veker frå den dagen dette brevet kom fram. Det er nok at klaga er postlagd før fristen går ut. Dersom De klagar så seint at det kan vere uklart for oss om De har klaga i rett tid, bør De oppgje datoen for når De fekk dette brevet. Dersom De klagar for seint, kan vi sjå bort frå klaga. De kan søkje om å få lengre klagefrist, og da må De nemne grunnen til at De ønskjer det.
Rett til å krevjegrunggeving	Dersom De meiner at vi ikkje har grunggeve vedtaket, kan De krevje ei slik grunggeving før fristen går ut. Ny klagefrist blir då rekna frå den dagen De får grunggevinga.
Innhaldet i klaga	De må presisere <ul style="list-style-type: none"> - kva for eit vedtak De klagar på - årsaka til at De klagar - den eller dei endringar De ønskjer - eventuelt andre opplysningar som kan ha noko å seie for vurderinga av klaga Klaga må underskrivast.
Utsetjing av gjennomføringa av vedtaket	Jamvel om De har klagerett, kan vedtaket til vanleg setjas i verk med det same. Men de kan søkje om å få utsett gjennomføringa av vedtaket til klagefristen er ute eller til klaga er avgjort.
Rett til å sjå saksdokumenta og til å krevje rettleiing	Med visse unntak har De rett til å sjå dokumenta i saka. Reglane om dette finst i § 18 og § 19 i forvaltningslova. De må i tilfelle ta kontakt med oss, jf. rubrikk (1). De vil då få nærmare rettleiing om retten til å klage, om framgangsmåten og om reglane for saksgangen.
Kostnadene med klagesaka	De kan søkje om å få dekt utgifter til den advokathjelpa De treng, etter reglane om fritt rettsråd. Her gjeld det visse grenser for inntekt og eige. Fylkesmannen eller advokaten Dykkar kan gje nærmare opplysningar om dette. Dersom vedtaket er endra til Dykkar fordel, kan De etter forvaltningslova ha krav på å få dekt store kostnader som har vore naudsynte for å få endra vedtaket. Klageinstansen (jf. rubrikk (4)) vil orientere Dykk om retten til å krevje slik dekning.
Klage til Sivilombodsmannen	Dersom De meiner at De har vore utsett for urett frå den offentlege forvaltninga, kan De klage til Stortingsombodet for forvaltninga (Sivilombodsmannen). Sivilombodsmannen kan ikkje sjølv endre vedtaket, men kan gje si vurdering av korleis den offentlege forvaltninga har handsama saka, og om dei har gjort feil eller forsømt noko. Dette gjeld likevel ikkje i saker som er avgjorde av Kongen i statsråd. Dersom De no får klaga Dykkar avgjort i statsråd fordi Kongen er klageinstans, kan De såleis ikkje seinare føre saka inn for Sivilombodsmannen.
Særlege opplysningar	

X-0073 N (Godkj. 05-95) Elektronisk utgåve

